

## Cometen Predigt

deget wir vnsern Väter / wir haben mißgehandelt /  
vnd sind Gottlos gewesen: haben auch mit vnsern Sün-  
den viel vnd manigfaltige schwere straffen verdienet bey  
Gott im Himmel / Das wir müssen gestehen vnd sagen /  
Die straff wir wol verdienet haben / das muß bekennen ein  
jeder man / niemand darff sich ausschliessen.

Zum 2. müssen wir auch practiciren ardentem & de-  
votam invocationem, das wir ja fleißig Andechtig vnd  
eiffrig Beten zu Gott im Himmel / sagen mit der Ge-  
mein / ach parce Domine populo tuo, Ach HERR Ioel 2.  
schone doch deines Volcks / verschone vns lieber HERR Psal. 6.  
Gott / HERR straff vns nicht in deinen Zorn / vnd züch-  
tige vns nicht in deinen grimme / HERR sey vns gnedig / wir  
sind sehr schwach vnd elend.

Dann was für ein Krafft vnd jegensatz / hatte das  
liebe Gebet wol in sich / das Moyses zu Gott ließ abge-  
hen / davon die Göttliche Majestat anhebet vnd spricht / Deut. 32.  
Di mitte me ut irascatur furor meus, Laß mich das  
mein Zorn wider sie anbrenne vnd ergrimme. Nu wol  
an / wenn wir werden fleißig Beten / wil Gott der All-  
mächtige in Gnaden vns erbet erhören / vnd sol heißen Psal. 12  
propter gemitum pauperum exurgam, weil die Armen  
seuffzen / wil ich auff Spricht der HERR / Gott dem  
HERRn siehet viel abzubitten: D; auch Gott dem HERRn  
wird das vbel gerewen / so er gedacht zu thun / vnd saget Ion. 3.  
ich wil nicht thun: Das vernam vnd verstande wol. der  
gewaltige Monarcha vnd potentat, Alexander Ma-  
gnus / als Anno 314. auch ein grosser erschrecklicher Histori.  
Comet gesehen worden / hat Eginardus Philosophus  
dapon verkündigt / das er bedeut einen fal vnd abgang ei-  
nes